

章太炎先生所著書

蘇大欽定四庫全書

文

餘杭章炳麟太炎著

檢

論

檢論目錄

卷一

原人 序種姓上 序種姓下 原變

卷二

易論

附易象義

尚書故言

附造字緣起說

六詩說

關雎故言

詩終

始論

禮隆殺論

辨樂

春秋故言

尊史

徵七略

卷三

訂孔上

訂孔下

道本

道微

原墨

原法

附漢律考

儒俠

本兵

學變

附黃巾道士緣起說

卷四

案唐

通程

議王

許二魏湯李別錄

哀焚書

正顏

清儒

學隱

卷五

民數

方言

附正名襟義

訂文

述圖

卷六

正議 商平 原教 爭教 訂禮俗

卷七

通法 官統上 官統下 五術 刑官 譴虛惠 相宅 地治 明農

定版籍 懲假幣 無言

卷八

楊顏錢別錄 襍志 哀清史 附近史商略 對二宋

卷九

非所宜言 商鞅 思葛 伸桓 小過 附光復軍志序 近思

檢論卷一

原人

赭石赤銅箸乎山蒼藻浮乎江湖魚浮乎藪澤果然獾狙攀援乎大陵之麓求明昭蘇而漸爲生人人之始皆一尺之鱗也化有蚤晚而部族殊性有文獷而戎夏殊含生之類不爪牙而能言者古者有戎狄不比於人而輒近諱之余以所聞名家者流席天下之中央則燕之北越之南是已然則自大瀛海以內外爲渾洲者五赤黑之民冒沒輕儻不與論氣類如印度歐美者則越海而皆爲中國其與吾華夏黃白之異而皆爲有德慧術知之氓是故古者稱歐洲曰大秦

大秦即羅馬其曰大秦者明非本稱乃實中國所號猶彼士以震旦稱我也

明其同於中國異於葷鬻獯戎之殘

忍彼其地非無戎狄也處冰海者則有欵斯基穆人燼瑞西普魯士而有之者則嘗有北狄倣擾希臘及於雅典者則嘗有赫刺古利夷族夫孰謂大地神皋之無戎狄而特不得以是杞白人耳戎狄之生歐美亞一也在亞細亞者禮義冠帶之族厥西曰印度東曰交趾佗不著錄或曰朝鮮者韃靼之苗裔余以爲

營州之域自虞氏時箸圖矣卒成於箕子衛滿及漢置玄菟樂浪文教之興與

上國同風宜不得與韃靼爲一族然其隸郡縣材四百年不如交趾等三郡久

意者三韓濊貉之種姓羈處其壤則猶露之有鮮卑

西伯利亞或作錫伯即鮮卑

奧之有匈

牙利

即匈奴

總之傳於禹籍者近是次朝鮮者日本之俗同產或薦寢老母跪而

謁子綱紀殊絕其姓亦雜胡漢其他大幕之南北蒙古尼魯特之窟衮延萬里

犬種曰狄亦自謂出於狼鹿

凡犬種等名皆野人自號及此方以相鄙夷者然其犷悍蚩賤不異禽雀故因其可以非人而非人

之說詳序種姓上篇

東北絕遼水至乎挹婁多種曰貉甌越以東滇交趾以南內及瓊之

深山蛇種曰蠻閩河湟之間驅牛羊而食湏酪而飲旃罽而處者牧羊人曰羌

羯亦從羊然與羌異義日知錄三十二日羯本地名上黨武鄉縣羯室晉時匈奴別部入居之後因號胡戎爲羯是羯爲地名非種類名與羌之言牧羊人者

殊矣自回鶻之入則羌稍陵遲衰微亦捫殺不得析是數族者自羌以外在亞細

亞洲則謂之戎狄其化皆晚其性皆獷雖合九共之辯有口者而不能予之華

夏之名也惟西南焦僥從人長三尺莫知其誰氏要之衛藏與西域三十六國

皆猶有順理之性則神農黃帝所不能外亦其種類相似與震旦比猶艾之與

蒿猶橘之與枳夫西徼以外自古未嘗重得志於中國而南方蠻貊之裔尤顯
愚無文理條貫惟引弓之國嘗盜有冀州或割其半而卒有居三鼎六鉞以臨
禹之域者其遂爲人乎非也其肖人形也若禹與爲也其能人言也若狴狴也
其不敢狂惑大倍於人義也若舛麟也舛麟雖馴天祿辟邪雖神不列於人吾
珍之字之不獮殺之而止其種類不足民其酋豪不足君烏乎民獸之不秩敘
也千有五百歲矣凡大逆無道者莫勸篡竊篡竊三世以後民皆其民壤皆其
壤苟無大害於其黔首則從雅俗而后辟之亦可矣異種者雖傳銅瑁至於萬
億世而不得撫有其民何者位蟲獸於屏宸之前居雖崇令雖行其君之實安
在虎而冠之螻狙而衣之雖設醺醴非士冠禮也夫龍舉於華角之下乘雲瑕
負凌兢霖雨注天下號令非不施也吾不事之以雨師之神民獸之辨亦居可
見矣

案海內南經云梟陽國在北胸之西其爲人人面長脣黑身有毛反踵見
人笑亦笑尋梟陽即壽陽乃亦稱人稱國蓋人獸之界限程度本無一定
予之過濫則梟陽尚以人言況戎狄邪若專以文
理條貫格之則戎狄特稍進於梟陽未云人也

不以形不以言不以地不以

位不以號令種性非文九趨不曰人

惟行進乃自變耳舊唐書突厥傳頡利部
落來降溫彥博請置於塞下曰古先哲王有

教無類突厥以命歸我教以禮法盡爲農民是說以類爲種類
能奉教則種類自化然雖進於戎狄而部族與中國固殊云種性文雖以罪

辜磔亦人若夫華夏而臣胡虜之酋者寧自處於牧圉操筆而從之則謂之臣

矣雖然德之不建也民之無援也以大人豈弟其忍使七十二王之萌庶戕虐

於諸戎而不拚其死不人兮其生也故假手於臣異類以全秦氏之民既臣矣

仁故不代王義故七十而致政臣道也不持以例民民力耕冥息珍食美衣老

幼以相字夫婦以相驩朋友以相掖其名與實未嘗聽命於戎人彊與之以聽

命之名則猶曰聽命於龍其何不辨辨之而不遘彈之而不設隱括惟政令之

一出一入曰以是分戎夏烏乎民獸之不秩敘也久矣辨之而不遘彈之而不

設隱括曰彼撫有九域自吾祖禰至今世以食毛踐土據流俗說是則未諦於北山

之雅人楚之芋尹之言也彼周世也井田未廢則天子經畧諸侯正封九畝之

土莫不曰王田而置農官以督之則民猶賃而耕者也其言若是豈不中哉自

秦漢以後井田廢約劑在民間後魏至唐雖有均田然無公私之別又世業在口分外此終與井田異旨也民歸德

於君文飾其辭則亦曰食毛踐土此非事實也譬則以重華之聖頌其君銅印以

上皆習之爲恆言而心知其夸誣也亦明矣當秦漢以後中國之君而猶若是
況異類乎彼棄其戈壁而盜居吾膏腴則踐我土也彼舍其麋鹿雉兔而盜食
吾菽粟則食我毛也彼方踐我土食我毛而曰我踐彼土食彼毛其言之不應
其肺腸歟不然何其戾也希臘之臣服土耳其也數百歲矣一昔潰去而四鄰
輔之以自立莫敢加之叛亂之名者無佗種族殊也意大利初制於日耳曼逾
千年然有沙奇尼亞之復斯其殊類也閒不容翽忽耳然猶不欲以畀佗人由
是觀之興復舊物雖耕夫紅女將有任焉異國之不忍安忍異種異教之不耦
俱奚耦俱無教之狼鹿君子觀於明氏之史如鐺基者其於爲震旦盡矣難者
曰淳維之祖猶吳之祖今獸匈奴而民泰伯悖曰匈奴之犬種先淳維生矣己
夏王之胤娶胡牝以爲婦而傳曹焉其胄非人也豈直淳維郊瞞在三季矣苟
效吳泰伯雖被髮文身以奔揚州之域地故無異種孰不曰人若種類非也蒲
石之入帝蒙古之全制其猶是封豕巨魚也

凡虜姓今雖從化然猶當辨其部族無令紛揉

且夫春秋

以吳越從狄者謂其左衽同浴不自別於異類故因是以卑損之不謂其素非

人若趙盾許止之弑被之空言而不敢辭非曰其以刃刺也今吳越所部廣東福建交趾之域宅五帝之子姓矣其民有世系其風俗同九州其與沙漠之異族舞干戚而盜帝位者其可同乎故曰五者不足言而種性重也難者曰必絀亞洲之戎狄而襄進歐美使歐美之人入而握吾之璽則震且將降心厭志以事之乎曰是何言也其貴同其部族不同觀於黃書知吾民之皆出於軒轅余以姜姓之氏族上及烈山與任宿之風自蒼牙則謂之皆出於三皇可也海隅蒼生皆三皇之胄廣輪萬里皆三皇之宅以三皇之宅而使佗人制之是則祭寢廟者亡其大宗而以異姓為主後也安論其戎狄與貴種哉其拒之一也余秩乎民獸辨乎部族故以雲門之樂聽之

大司樂注黃帝曰雲門大卷黃帝能成名萬物以明民共財言其德如雲

之所出民得
以有族類

一切以種類為斷是以綜覈人之形名則是非昭乎天地

序種姓上

員輿以上人種五其色黃白黑赤流黃畫地州處風教語言勿能通其小別六

十有三然自大古生民近者幾十萬歲

近世人類學者以石層稟骨推定生民之始最近當距今二十萬年其遠者距

今五十萬年說亦難信然
校之彼教所述或近情耳
蓋有雜穀則民種羯羴不
均古者民知漁獵其次畜
牧逐水草而無封畛重以
部族戰爭更相俘虜羣處
互效各失其本燥濕滄熱
之異而理色變牝牡接構
之異而顛骨變名位階級
之異而風教變號令契約
之異而語言變故今世種
同者古或異今世種異者
古或同要以有史爲限斷
誠不可見遠流也言人種
學者一曰大初有黃黑二
民或云白黑又曰生民始
黃人各異議亡定說方夏
之族或云出於加爾特亞
東踰葱嶺與九黎三苗戰
始自大皞至禹然後得其
志徵之六藝傳記非也山
海經曰軒轅居於身毒之
丘故泠倫采竹于大夏以
爲律呂大夏者直印度北
印度稱其竹曰覩阿羅蓬
奢以爲洞簫作音之君明
其取材相應其後人文盛
自爲一族與印度漸別而
與髻益親其比鄰諸部落
有禮俗章服食味異者文
謂之夷野謂之狄貉蠻閩
擬以蟲獸明其所出非人
自貴其種而鳥獸殊族者
烝人之性所同也
狄貉諸名皆鄙

薄異族爲之辭惟搜神記言蜀中西南高山之上有物與猴相類長七尺名曰
猥國一名馬化或曰猥伺道行婦女年少者輒盜取將去爲家室若有子者輒
抱送還其家產子皆如人形有不養者其母輒死皆以楊爲姓故今蜀
中西南多姓楊率皆是猥國馬化之子孫也媛類生人或近情實

然自皇

世民未知父獨有母系叢部數姓集合自本所出率動植而爲神女者相與葆祠之遭侮釀嘲有以也其近而鄰中夏者蒙古滿洲推本其祖一自以爲狼鹿一自以爲朱果藉其寵神久矣中國雖雅化古者母系未廢契之子姓自玄胤名禹之似姓自薏苡名知其母吞食而不爲祖亦猶草昧之緒風也夏后興母系始絕往往以官字謚邑爲氏而因生賜姓者寡自是女子稱姓男子稱氏氏復遠迹其姓以別婚姻故有帝系世本掌之史官所以辨章氏族旁羅爵里且使椎髻烏言之族無敢干紀以亂大從及漢魏世守其牒則時以門資勲伐援駙要其大體未嘗凌雜也拓跋氏始變戎姓以從漢氏唐世諸歸化人或錫之皇族以爲殊寵明太祖興令北虜割裂姓氏與漢符合則統系樊然焚亂矣懿亦建國大陸之上廣員萬里黔首浩穰其始故不一族大皞以降力政經營并包殊族使種姓和齊以遵率王道者數矣文字政教既一其始異者其終且醇化是故淳維三韓出夏后晉卿也竄而爲異即亦因而異之丹驪朝蜀甌越朝會稽馴而爲同同則亦同也然則自有書契以世本堯典爲斷庶方駁姓悉爲

一宗久遠疑事非君子所質自爾有歸化者因其類例并包兼容魏周金元之民扶服厥角以奔明氏明氏視以攜養孽子宜不於中夏有點若其乘時僭盜比於歸化類例固殊焉有典常不赦善夫王夫之曰聖人先號萬姓而示以獨貴保其所貴匡其終亂施於孫子須於後聖可禪可繼可革而不可使異類閒之不其然乎方今歐美諸國或主國民或主族民國民者湊政府族民者湊種姓其言族民亦多本歷史起自輓近者中國故重家族常自尊賢自世本以後晉有賈弼姓氏簿狀梁有王僧孺百家誡在唐元和姓纂宋而有姓氏書辯證皆整具有期驗唯廣韵猶箸錄漢虜諸姓其重種族如是元泰定刻廣韵始一切刊去之亦足以見九能之士不貴其種而甘爲降虜者衆也顧炎武遭東胡亂華獨發憤欲綜理前典爲姓氏書未就其目曰姓本第一封國第二氏別第三秦漢以來姓氏合并第四代北姓第五遼金元姓第六雜改姓第七無徵第八其條貫度齊至明顧君在衰世有志爲此與林寶鄧名世異流昔管寧以衰亂之時世多妄變氏族違聖人之制非禮命姓之意故著姓氏論以原本世系顧

君其彷彿斯旨也烏虜正大夫君子邦人諸友之知方而治國聞者戶言師顧
君顧弗師其綜理姓氏余於顧君未能執鞭也亦欲因其凡目第次種別體大
宜傳為一書今以麤獮就建姓本氏及蕃族亂氏者為序種姓篇以俟後之五
史

文教之民戰勝之國大氏起自海濱為其交通易也獨中夏王迹基隴坻華山

閒固已異執加爾特亞者蓋古所謂葛天

呂氏春秋古樂篇昔葛天氏之樂三人操牛尾投足以歌八闕古今人表

大皞氏後十九代其一日葛天氏御覽七十八引遁甲開山圖女媧氏沒後有十五代皆襲庖犧之號其一日葛天氏案大皞以下不知何出葛天似即加爾特亞中國語簡去之地直小亞細亞南其族嘗至中國自神農黃帝以來非其
遂曰加特亦曰葛天

胄也黃帝之起宜在印度大夏西域三十六國閒北氏雍涼則附羌南抵滇黑

水則附髳五帝本紀曰嫫祖為黃帝正妃生二子其後皆有天下一曰玄黿是

為青陽青陽降居江水次曰昌意降居若水

索隱曰江水若水皆在蜀水經曰水出旄牛徼外東南至故關為若

水昌意娶蜀山氏女曰昌僕生高陽高陽是為帝顓頊帝嚳高辛者父曰蟠極

蟠極父曰玄黿若然黃帝葬於橋山地在秦隴而項嚳皆自蜀土入帝中國其

後營子放勳以唐侯升帝位稍東及舜之生世本言在西城所謂媯虛或作西域大誤

西城於漢隸漢中而公孫尼子曰舜牧羊於潢陽御覽八百三十三引潢陽者漢陽之謠

漢陽凡漢水之陽皆得稱之此所指自在漢中非左氏傳漢陽諸姬及今漢陽地也六國表曰禹興西羌湯起於亳集解徐廣

日京兆杜縣有亳亭周以豐鎬伐殷蜀王本紀言禹汶山郡廣柔縣人生於石紐然則舜

禹皆興蜀漢與項營同地即上世封畧起於西方審矣雖神農亦產樓蘭西羌

間逮春秋有姜戎水經注曰蒲昌海水積鄯善之東北龍城之西南龍城故姜

賴之虛胡大國也蒲昌海溢盪覆其國城基尚存而至大晨登西門莫宿東門

涼州異物志曰姜賴之虛今稱龍城恆谿無道以感天庭上帝赫怒溢海盪傾

剛鹵千里疾黎之形其下有鹽菜棊而生御覽八百六十五引明神農產姜水姜水即蒲

昌海故其後猶曰姜賴其南出爲西羌羌者姜也晉世吐谷渾有先零極乎白

蘭其子吐延爲羌酋姜聰所刺以是知羌亦姜姓神農所部蓋兼西域青海內

得隴西故天水亦有姜氏觀其樓櫓嚴博城廉百里斯天下之壯觀也傳稱大皞

都陳神農少皞都曲阜顓頊都衛舜虞邑實河東地禹父曰崇伯鯀後爲夏室

在陽城中嶽下是五都皆偏東亦其庠地所至則營屯之而帝者因以爲宅若周作雒邑以爲天下大濫非其本都察其本都奧區阻深以麗王公西域三十六國之人歟

自神農已營長沙而黃帝與蚩尤戰於涿鹿夷其宗世謂蚩尤爲今苗人非也涿鹿者今宣化保安州地極北不得有苗今之苗古之髡也又亦與三苗異當堯時三苗不庭遏絕其世竄之三危其遺種尚在三苗之國左洞庭右彭蠡不修德義外內相聞下撓其民民無所附夏禹伐之三苗以亡此自渾敦窮奇諸族何與於今之苗人乎凡俚繇諸族分保牂柯上下者謂之髡音變爲苗與三苗異所中夏之族西域羌髡所合也

章炳麟曰尚考方夏種族所出得其符驗而姓氏次之古者天子建德因生以賜姓胙之土而命之氏諸侯以字爲諡因以爲族官有世功則有官族邑亦如之其後亦或以官賜姓故曰徹官有百物賜之姓以監其官是爲百姓姓有徹品十於王謂之千品五物之官陪屬萬爲萬官官有十醜爲億醜自品以下皆